



Amorebieta-Etxanoko Udala  
Bizkaia

## KUDEAKETA, DIRU-BILKETA ETA IKUSKARITZAKO ORDENANTZA FISKAL OROKORRA

### I.- PRINTZIPIO OROKORRAK

#### 1. artikulua. Ordenantzaren helburua

Ordenantza honen helburua da Amorebieta-Etxanoko Udalari dagozkion zuzenbide publikoko zerga eta diru-sarrerekin zerikusia duten kudeaketa, diru-bilketa, zehapena eta ikuskaritzako prozedurak arautzea.

#### 2. artikulua. Lege araubidea

Zuzenbide publikoko zergen eta gainerako diru-sarreraren kudeaketa, diru-bilketa, zehapena eta ikuskaritza arautuko ditu Zergei buruzko Foru Arau Orokorrak, Toki-ogasunen Foru Arauan eta zerga bakoitzaren Ordenantza Fiskaletan aurreikusitako espezialitateekin, eta Udal Ordenantza honek. Bertan aurreikusita ez dagoenetan, Zergei buruzko Foru Arau Orokorraren garapenean emandako legezko xedapenak aplikatuko dira osagarri bezala.

#### 3. artikulua. Aplikazio-eremua

1. Udal honek bere eskumenak beteko ditu, Ordenantza honek araututako gaiak dagokienean, Amorebieta-Etxanoko udalerrin osoan.

2. Udalerritik kanpo egin behar diren baina berari dagozkion Zuzenbide Publikoko diru-sarrerekin zerikusia duten jarduketak, ikuskaritza edo nahitaezko diru-bilketa arloan, Udal honek burutu ahal izango ditu Bizkaiko Lurralde Historikoaren eremu barruan. Gainerako ustezko kasuetan, ezarrita dauden edo ezar daitezkeen lankidetzak formulen arabera egingo dira.

#### 4. artikulua. Organo diru-biltzailea

1. Agindu hauek betearazteaz arduratuko dira Alkatetza eta Diruzaintza, bakoitzaren funtzioak ondokoak izango direlarik:

1.1. Alkatearen funtzioak zuzenbide publikoko sarreraren kudeaketan hauek dira:

- Erakunde laguntzaile bezala baimena ematea.
- Informazioa eskatzea, finketan edo lokaletan sartzeko baimena, kautelazko neurriak hartzea.
- Espezietan ordaintzea.
- Kitapenak onetsi eta ezeztatzea.
- Berraztertze errekurtsioen gaineko erabakia hartzea.
- Onura fiskalak aitortzeko eskabidea ebaztea.
- Okerreko ordainagiriak itzultzearen gaineko erabakia.
- Bermeak onartzearen gaineko erabakia.
- Bermeen exekuzioari buruz ebaztea.
- Onura fiskalak aitortzea.
- Gerorapenari edo zatikapenari buruz ebaztea.
- Beste organoei legalki egotzi ez zaizkien eginkizun guztiak betetzea.

Alkateak egoki irizten dion funtzio guztiak eskuordetu diezazkieke zinegotziei.

1.2. Diruzaintzaren funtzioak zuzenbide publikoko sarreraren kudeaketan hauek dira:

- Kontentsazioa ebaztea interesdunak eskatuta.
- Hutseginak eta kreditu kobraezinak aitortzea.
- Premiamendu probidentzia ematea.
- Enbargo probidentzia ematea.
- Enbargoak gordailatzeko lekua erabakitzea.
- Enbargatutako ondasunen gordailuzaina.
- Enbargatutako ondasunak besterentzeari buruz ebaztea.
- Dirutan ordaintzea.



**Amorebieta-Etxanoko Udala  
Bizkaia**

- Ordenantza honen 12. artikuluan xedatutakoaren arabera, geroratu edo zatitzeari buruz ebaztea.
- Ofizioz konpentsazioa ebaztea.

**5. artikulua. Kudeaketa**

1. Amorebieta-Etxanoko Udalak onura fiskalak eman ditzake bere zergen arloetan, aurrekontuetan bere gain hartuz, dagozkion Foru Arauetan xedatutakoaren arabera. Udal tributuoak arautzen dituzten zerga ordenantzetan adierazitako hobari bat baino gehiago aplikatzeko eskatuz gero, hauek ezingo dira aldi berean aplikatu, ezpada zergadunarentzat onuragarriena den hobaria bakarrik aplikatuko da.

2. Amorebieta-Etxanoko Udalak, zerga-bilketaren kudeaketarako eraginkortasun eta ekonomia irizpideengatik, **6,00 €**-ko kuota likidoa baino gutxiagoko ordain-agiri eta likidazioak salbuestea ezarri du.

**6. artikulua. Errolda**

1. Zerga-egitateak jarraipena duenean errolda egin behar izango da, interesdunen aitorpenak, Udal honek dituen datuak eta ikuskapenak kontuan izanda. Altak, bajak edo aldaketak, sortarazi dituen egitatea izan den ondoko 15 egun balioduneko epean jakinarazi beharko dira.

2. Alkatetzak onespina eman beharko die erroldei ekitaldi bakoitzean eta jendaurrean jarriko dira ikusgai 15 eguneko epean, ukitutako zergadunek aztertu eta, hala behar denean, bidezko erreklamazioak egin ditzaten. Guzti hau dagokien Foru Arau eta zuzenbide publikoko sarrerak arautzen dituen berariazko ordenantzetan aurreikusitakoaren kaltetan gabe.

3. Udalak, Ordenantza honetako xedapen gehigarrian ezarritako epean ordaintzeko epea zabalduko du. Epe hori iraganda, osorik ordaindu ez balitz, epealdi betearazlea hasiko da.

4. Kobrantzako iragarkia iragarki-oholtzan eta web orrian jarriko da eta ondokoa izan behar du:

- a) Diru-sarrera egin behar den epea.
- b) Baimena duten kobratzeko mota desberdinak.
- c) Diru-sarrera egiteko leku eta ordua
- d) Diru-sarrera egiteko epea iraganda, burutu gabe balego, zorrak premiamenduko prozeduraz eskatuko dira eta epealdi betearazleko gainordainak, berandutza interesak eta, behar denean, kostuak sortuko dituzte.
- e) Helbideratutako ordainagiriak kobratuko diren data.
- f) Kobratzeko epealdi horretan banku-helbideraketek ondorioak izateko azken muga-eguna.

**7. artikulua. Diru-sarrera egiteko borondatezko epealdia**

1. Izaera publikoko aldizkako diru-sarrerak kobratzeko borondatezko epealdia, ez da hilabete baino laburrago izango.

2. Foru Aldundiak eskuordetua du Ondasun Higiezinaren gaineko Zerga eta Jarduera Ekonomikoen gaineko Zerga kobratzeko kudeaketa. Nolanahi ere, Foru Aldundiak berak aurreikusitako epea izango dute.

**II.- ZORRAREN IRAUNGIPENA  
ORDAINKETA**

**8. artikulua. Ordainketa egiteko legitimazioa**

Ordainketa edozein obligaziodunek baita hirugarrenek ere egin dezakete, zorra iraungitzeko ondorio guztiekin. Hala ere, horrek ez die hirugarren horiei Udalaren aurrean inongo eskubiderik egikaritzeko ahalmenik ematen.



**Amorebieta-Etxano Udala  
Bizkaia**

**9. artikulua. Ordaintzeko lekua eta bideak**

1. Autokitapenak:

Udalaren banku-erakunde laguntzaileetan egin ahal izango da ordainketa, baita Udalean bertan ere banku txartelaren bidez edota ondoko web orriaren bidez: [www.amorebieta-etxano.net/nireordainketa](http://www.amorebieta-etxano.net/nireordainketa)

2. Erreziboak, tributuen jakinarazpenak, prezio publikoak, hirigintzako errekurtsioen ebazpenak, zehapenak eta udal zuzenbide publikoko bestelako diru-sarrerak:

Borondatezko epean, dagokion banketxean ordainduz helbideratzeko agindua dutenentzat eta gainontzeko kasuetan erakunde laguntzaileetan erreziboa aurkeztuz, Udaletxean bertan banku-txartelaren bidez edota [www.amorebieta-etxano.net/nireordainketa](http://www.amorebieta-etxano.net/nireordainketa) web orriaren bidez.

3. Salbuespenez, Udalak borondatezko epean edota betearazpen epean espezieetan ordaintzea onar dezake, edozein ondasun edo eskubide emanez, Bizkaiko Lurralde Historikoko Diru-bilketa Erregelamenduaren 17. art.ak xedatzen duen bezala.

4. Zor bat ordaintzen duenak, egindako ordainketaren egiaztatzea jasotzeko eskubidea izango du.

**10. artikulua. Helbideraketak**

Subjektu pasiboek zergak, prezio publikoak eta kontratuko betebeharrak edozein Erakunde Finantzarioan helbidera ditzakete ordaintzeko eta ondokoa izango dute kontuan:

1. Aurretik Udal Administrazioari eskatu behar zaio, dagokion "helbideratze-buletina" betez.

2. Aldizkako mugaeguna eta jakinarazpen kolektiboko zergak, bat, batzuk edo denak helbidera daitezke.

3. Erreziboak kontuan zordunduko dira iragarkian edo kitapenean ezartzen den egunean.

4. Erreziboak itzuliko balira eta borondatezko epealdi barruan ordaindu ezean, diru-bilketa betearazleari hasiera emango zaio.

5. Ordaintzeko helbideraketek baliozkotasuna izango dute denbora mugagabeen. Baina zergadunek edozein momentutan, espreski, ezeztu edo beste establezimendu batzuetara lekualda ditzakete, Udal Administrazioari baliozko epe barruan jakinaraziz.

6. Udalak helbideratzea ezerezta dezake, erreziboak itzuliz gero edo helbideratzeko kontuan saldorik egon ezean.

7. Udalak ezarriko du helbideratze eskabideak onartzeko azken eguna edo horiek ondareak izango dituzten lehenengo eguna.

8. Aparteko gorabeherarik izanez gero, Alkateak helbideratutako erreziboentzako borondatezko epealdian ordaintzeko epea luza dezake.

**11. artikulua. Ordaintzeko epeak borondatezko epealdian**

Borondatezko epealdian zorrak ordaintzeko epea ondokoa izango da:

1. Auto-kitapenentzat: Zerga bakoitzaren arauetan ezarritakoa.

2. Aldizkako mugaegunak eta jakinarazpen kolektiboko zergen erreziboek, errolda bakoitzarentzat onetsitako epea Ordenantza honetako Xedapen Gehigarrian adieraziko da.



**Amorebieta-Etxanoko Udala  
Bizkaia**

3. Zerga, prezio publiko, hirigintzako errekurtsioen ebazpenak, zehapenak eta udal zuzenbide publikoko diru-sarreraren kitapenentzat:

- Hilabete bakoitzaren 1etik eta 15era bitartean jakinarazitakoak, hurrengo hilabetearen 15era arte. Azken egun hau baliorduna ez bada, hurrengo egun baliordunera arte luzatuko da epea.
- Hilabete bakoitzaren 16tik azken egunera bitartean jakinarazitakoak, hurrengo hilabetearen azken egunera arte. Azken egun hau baliorduna ez bada, hurrengo egun baliordunera arte luzatuko da epea.

Epearen azken eguna larunbata edo jaieguna balitz, muga-eguna hurrengo egun baliordunera arte aldatu dela ulertuko da.

**GERORAPENA ETA ZATIKAPENA**

**12. artikulua. Gerorapena eta zatikapena**

1. Obligaziodunak aurretik eskabidea egin ondoren, Alkateak edo Diruzainak zorrak ordaintzea geroratu edo zatika ditzake, diskrezionalki begiraturako egoera ekonomiko-finantzarioak, aldi baterako ordaintzea galarazten duenean.

2. Eskabideak Bizkaiko Lurralde Historikoaren Diru-bilketako Arautegi Orokorrean ezarritako edukia izango du.

3. Gerorapena edo zatikapena bai borondatezko epealdian bai epealdi betearazlean eman ahal izango da.

4. Gerorapenek eta Zatikapenek, bai borondatezko epealdian bai betearazlean, ondoko irizpide orokorrak izango dituzte:

**Zatikapenak eta gerorapenak**

- 450,00 € eta 3.000,00 € artean:	9 hilabeteraino Diruzainak erabaki
- 3.000,01 € eta 6.000,00 € artean:	15 hilabeteraino Diruzainak erabaki
- 6.000,01 €-tik aurrera:	24 hilabeteraino Alkateak erabaki

5. Ez da gerorapenik ezta zatikapenik emango **450,00 €** baino gutxiagoko oinarritzko zorra dutenei, ezta 24 hilabete baino epe luzeagorik. Hala eta guztiz ere, salbuespen kasuetan eta Gizarte Laguntza Zerbitzuak edo Udal Administrazioak, aurretiaz, behar bezala arrazoitutako inguruabarrak biltzen dituen txostena egiten badute, aipaturako zenbatekoa baino gutxiagoko zorrak atzeratu edo zatitu ahal izango dira Alkateak hala erabakitzen badu.

6. Ez da zatikapenik edo gerorapenik izapidetuko, zordunak betearazpen epean dituen zor guztiengatik ez bada eta betiere, salbuespenik gabe, geroratuta edota zatikatuta ez badaude.

7. Orokorrean, zordunari ez zaio exijituko zorrak geroratu edo zatikatzeko bermeak ematea, ordaintzeke dagoen zenbateko osoa **6.000,00 €** tik gorakoa ez denean.

Bermeak estali behar ditu printzipalaren eta berandutze-interesaren zenbatekoak, gehi bien batuketaren % 25. Berme moduan onartuko da finantza-erakundeen, aseguru-erakundeen edo elkar bermatzeko sozietateen abal solidarioa edo nahikotzat jotzen den beste bat, baldin eta bukaera gutxienez sei hilabete gerokoagoa bada epeen amaiera baino.

Bermea hogeita hamar eguneko epean aurkeztu behar da, emateko ebazpena jakinarazten den egunetik zenbatzen hasita. Epea igarotzean formalizatu ez bada, bertan behera geratuko da geroratzea.

Alkateak eskumena izango du berme-lekapena onartzeko benetako premia dagoen kasuetan, behar bezala dokumentatzen bada.



**Amorebieta-Etxanoko Udala  
Bizkaia**

8. Geroratu edo zatikatutako ordainketa-kopuruek, behar denean, gainordain betearazlea kanpoan utzita, berandutzako interesa sortaraziko dute, hurrenez hurren, zerga-zorrak edo zergaz bestekoak direnaren arabera. Hala adierazita dago Zergei buruzko Foru Arau Orokorraren 26.3 artikuluetan eta indarrean dauden Xedapenen Testu Bateratutako 19. artikuluan.

9. Geroratzea edo zatikatzea ukatzen denean, borondatezko epealdian dirua sartzeko epea amaitzen denetik ebazpen ukatzailearen edo ordaindu den egunera arte, iragandako epealdiari dagokion berandutzako interesak kitatuko dira.

10. Geroratutako diru-kopurua sartu ezean, ordaintzeke dagoen zor osoa betearazte-bidetik exijitzea ekarriko du.

**13. artikulua. Berandutzako interesa**

1. Berandutzako interesa obligaziodunei eta subjektu arau-hausleei exijituko zaie ondoko arrazoiengatik:

- a. Epe barruan ez ordaintzea .
- b. Diru-itzulketa bidegabe kobratzea.
- c. Zorren ordainketa geroratu edo zatikatzea.
- d. Zerga-araudian eta indarrean dauden aurrekontuko xedapenetan aurreikusitako gainerako kasuak.

2. Berandutza interesa, diruari buruz legeak agintzen duena izango da, eskagarria den epealdian zehar, % 25a gehituta, bestelakorik ezarri ezean. Zergaz bestekoak diren zorrei diruaren legezko interes-tasa ezarri beharko zaie.

**HUTSEGINAK ETA KREDITU KOBRAEZINAK**

**14. artikulua. Hutseginak**

Hutseginak dira, zorra ordaindu ezin duten obligaziodunak, frogatutako kaudimengabeak izateagatik.

**15. artikulua. Kreditu kobraezinak**

1. Zordun nagusia eta arduradun solidario eta subsidiario guztiak, hutseginak jo ondoren, kreditua kobraezintzat joko da.

Prozeduraren legaltasunari zor zaion errespetua eta administrazioaren eraginkortasuna uztartzeko helburuarekin, kreditu kobraezinak proposatu aurretik, egiaztatu beharko diren baldintzak eta eskakizunak ezartzen dira.

Ziurtagiriak desberdinak izango dira zorraren zenbatekoaren eta ezaugarrien arabera, ondoko ustezkoak bereiziz:

a. **150,00 € arte zorrari buruzko espedienteak:**

- Aurretiaz premiamenduko probidentzia jakinaraztea, zordunarekin nola edo hala loturik dauden helbide guztietara eramanez eta iragarkia Bizkaiko Aldizkari Ofizialean argitaratuz.
- Erakunde finantzarioetan fondoan enbargo saialdia, emaitza negatiboz.

b. **150,01 € eta 300,00 € bitarteko zorragatiko espedienteak:**

- Aurretiaz premiamenduko probidentzia jakinaraztea, zordunarekin nola edo hala loturik dauden helbide guztietara eramanez eta iragarkia Bizkaiko Aldizkari Ofizialean argitaratuz.
- Erakunde finantzarioetan fondoan enbargo saialdia, emaitza negatiboz.
- Soldaten eta pentsioen enbargo saialdia, emaitza negatiboz.

c. **300,01 € eta 3.000,00 € bitarteko zorragatiko espedienteak:**



**Amorebieta-Etxanoko Udala  
Bizkaia**

- Aurretiaz premiamenduko probidentzia jakinaraztea, zordunarekin nola edo hala loturik dauden helbide guztietara eramanez eta iragarkia Bizkaiko Aldizkari Ofizialean argitaratuz.
- Erakunde finantzarioetan fondoan enbargo saialdia, emaitza negatiboz.
- Soldaten eta pentsioen enbargo saialdia, emaitza negatiboz.
- Bizkaiko Foru Aldundian egindako sarrera itzulketen enbargo saialdia, emaitza negatiboz.
- Jabetza Erregistroetan edota bestelako erregistro publikoetan zordunaren izenean inskribatutako ondasunik ez dagoela egiaztatzea.

d. **3.000,00 €** baino gehiagoko zorrari buruzko espedienteak:

- Aurretiaz premiamenduko probidentzia jakinaraztea, zordunarekin nola edo hala loturik dauden helbide guztietara eramanez eta iragarkia Bizkaiko Aldizkari Ofizialean argitaratuz.
- Erakunde finantzarioetan fondoan enbargo saialdia, emaitza negatiboz.
- Soldaten eta pentsioen enbargo saialdia, emaitza negatiboz.
- Bizkaiko Foru Aldundian egindako sarrera itzulketen enbargo saialdia, emaitza negatiboz.
- Jabetza Erregistroetan edota bestelako erregistro publikoetan zordunaren izenean inskribatutako ondasunik ez dagoela egiaztatzea.
- Kobratzeko modurik gabe, zorra betearazpenean lau urtez izan dela jasotzen duen txostena.

**PRESKRIPZIOA ETA IRAUNGIPENA**

**16. artikulua. Printzipio orokorrak**

1. Udal honek zerga-zorra zehazteko ahalak preskripzioa eta iraungipena du.

Preskripzioa eta iraungipena aldi berean doaz. Horregatik, euretako edozein gertatuz gero, ezin izango da administrazio-ahala egikaritu, dagokion kitapenaren bidez zerga-zorra zehazteko.

2. Kitatu eta auto kitatutako zorrak ordaintzea exijitzeko Administrazioak duen ahalak, eta zuzenbide publikoko diru-sarrerak, diru-sarrera bidegabeak itzultzea eta bermeen kostuaren errenboltoa arautzen dituen arauditik eratorritako diru-itzulketak lortzeak, preskripzioa dute.

3. Preskripzioak eta iraungipenak zorra kentzen dute eta ofizioz aplikatzen dira, baita ordaindu den kasuetan ere.

**17. artikulua. Preskripzioa**

1. Aurreko artikuluko bat eta bi puntuetan aurreikusitako administrazio ahalak egikaritzea lau urtera preskribatzen du. Zuzenbide publikoko beste sarrera batzuetarako, dagokion araudia beteko da.

2. Preskripzioa zenbatu, eten eta gainerako ondorioetarako, Zergei buruzko Foru Arau Orokorrean eta berori garatzeko xedapenetan aurreikusitakoa ezarriko da.

**18. artikulua. Iraungipena**

1. Ordenantza honen 16. artikuluko lehenengo puntuan aurreikusitako administrazioko ahalmenaren egikaritzak sei urteren buruan iraungitzen du.

2. Iraungipena zenbatu, eten eta gainerako ondorioetarako Zergei buruzko Foru Arau Orokorrean eta berori garatzeko xedapenetan aurreikusitakoa ezarriko da.

**III.- PREMIAMENDUKO PROZEDURA**

**19. artikulua. Premiamenduko prozedura**

1. Zuzenbide publikoko zerga-zorrak edo gainerako diru-sarrerak borondatezko epealdian ordaintzeko epea iraganda, oso osorik ordainduta ez baleude, ordaintzeke dauden zorren epealdi betearazlea hasiko da.



**Amorebieta-Etxanoko Udala  
Bizkaia**

2. Epealdi betearazlea hasiz gero, % 5eko gainordaina eta berandutzako interesak zehaztea ekarriko luke, salbuetsita premiamenduko probidentzia diktatu denetik eta zorra ordaintzeko ematen den epea amaitu artean iragandako epealdian.
3. Ordaintzeko epea iragan ondoren, % 20ko premiamenduko gainordaina, hala nola borondatezko epealdia amaitzen denetik sortarazitako kuotaren gaineko interesak exijituko dira.
4. Epealdi betearazlea hasi ondoren eta premiamenduko probidentzia jakinarazi ondoren, jakinarazi denetik hilabeteko ezohiko epea egongo da tributu zorra ordaintzeko.

#### **IV.- BERRIKUSTEA ADMINISTRAZIO BIDETIK**

##### **20. artikulua. Berraztertze errekurtsua**

1. Zuzenbide publikoko tokiko zergak eta gainerako diru-sarrerak aplikatu eta eraginkortasuna izateko egintzen aurkako berraztertze-errekurtsua aurkeztu arren, horrek ez du inpugnatutako egintza eta dagozkion legezko ondorioak egikaritzea eteten, kuoten diru-bilketa edo kitatutako eskubideak, interesak, gainordainak eta zehapenak barne. Zerga-zehapenak ezartzeko egintzak etengo dira errekurtsua aurkezten den unean.
2. Hala ere, berraztertze-errekurtsua denbora eta eran aurkeztu bada, automatikoki eta bermeak aurkeztu beharrik gabe etengo da inpugnatutako egintza egikaritzea, zerga-zorra borondatezko epealdian dagoenean edo premiamenduko probidentziaren aurkako berraztertze-errekurtsua aurkeztu bada. Era berean, egikaritzea etengo da beti ere, bi kasuetan, ordaintzeko borondatezko epealdiaren amaieran ordaintzeke dagoen zorra **6.000,00 €**-koa edo gutxiagokoa baldin bada.
3. Aurreko puntuan adierazitakoak baino zenbateko handiagoetarako, interesdunak errekurtsua aurkezteko epe barruan, inpugnatutako egintzaren egikaritzea etetea eska dezake. Baina horretarako errekurtsogileak aukeratutako ondoko bermeekin batera aurkeztu beharko du:
  - Dirua edo balio publikoak gordailutzea.
  - Kreditu-erakundeek edo elkarren arteko berme-sozietateek edo kauzio-aseguruen egiaztagiri bidez emandako izaera solidarioko abala edo fidantza.
4. Errekurtsua ebazteko organo eskudunak prozedura berme prestaziorik gabe etetea erabakiko du, derrigorrezkoa denean, alegia ordenantza honetan automatikoki etetea ezarritako muga gainditzen duelako, ondoko kasuetan:
  - Akats aritmetikoa, materiala edo egitatezkoa izan litekeela ikusten denean.
  - Ebazteko organo eskudunaren iritziz, errekurtsogileak alegatu ondoren, prestazio ezinezkoa zaiola justifikatzen duenean.
5. Etenaldi hori emateak, irauten duen denbora guztiagatik luзамendu interesak ordaindu beharra erakarriko du, eta birjarpen errekurtsua denean besterik ez du izango eraginik.
6. Berraztertze errekurtsua aldizkakoak ez diren zorren kasuan, egintza beren-beregi jakinarazi eta biharamunetik zenbatzen hasita hilabeteko epean aurkeztu beharko da. Aldizkako epemuga duten zorrak badira eta jakinarazpena kolektiboa bada, errekurtsua borondatez ordaintzeko epe barruan aurkeztu ahal izango da edota berau amaitu eta biharamunetik zenbatzen hasita hilabeteko epean.

#### **V.- IKUSKATZEKO PROZEDURA**

##### **21. artikulua.- Zerga ikuskatzailetza**

Zerga ikuskatzailetza garatuko da 2/2005 Bizkaiko Lurralde Historikoaren Zergei buruzko Foru Arau Orokorrean eta Bizkaiko Lurralde Historikoaren Zerga-zehapenen Arautegia eta gainerako xedapen osagarriak onesten dituen Foru Aldundiaren 99/2005ean ezarritakoaren arabera.



Amorebieta-Etxanoko Udala  
Bizkaia

## **VI.- KUDEAKETA ARAUBIDEA**

### **22. artikulua. Kudeaketa araubidea**

Tributu kudeaketako jarduera eta prozedurak Bizkaiko Lurraldeko Historikoaren 2/2005 Zergei buruzko Foru Arau Orokorrean eta udal ordenantzetan beren-beregi zehaztuta ez dagoenetan, Bizkaiko Lurralde Historikoaren Zerga-kudeaketaren Arautegia eta gainerako xedapen osagarriak onesten dituen Foru Aldundiaren 112/2009 FDan ezarritakoaren arabera burutuko dira.

## **VII.- ZEHATZEKO ARAUBIDEA**

### **23. artikulua. Zehatzeko ahalmena**

Zehatzeko prozedura garatuko da, Bizkaiko Lurraldeko Historikoaren 2/2005 Zergei buruzko Foru Arau Orokorrean eta Bizkaiko Lurralde Historikoaren Zerga-zehapenen Arautegia eta gainerako xedapen osagarriak onesten dituen Foru Aldundiaren 100/2005ean ezarritakoaren arabera.

## **VIII.- XEDAPEN GEHIGARRIA**

Erroldaren arabera tributu eta prezio publiko desberdinen jendaurrean egoteko eta borondatez ordaintzeko epeak urtero zehaztuko dira Tokiko Gobernu-Batzarrak Egutegi Fiskala onartzean, Toki-Ogasunak txostena eginda.

## **IX.- AZKEN XEDAPENA**

### **Bakarria. Indarrean sartzea**

Ordenantza hau Bizkaiko Aldizkari Ofizialean argitaratu ondoko egunean sartuko da indarrean, eta ez du atzeraeraginezko ondoriozik izango. Hala ere, zergei buruzko arau-hauste eta zehapenen eta gainordainen araubideak atzeraeraginezko ondorioak izango ditu irmoak ez diren egintzei dagokienean, aplikazioa mesedegarriagoa denean. (BAO. 239.ZK.2006, abenduak 18. Astelehena)

Ordenantza hau 2006ko irailaren 27an egindako Ohiko Osoko Bilkuran onartu zen hasiera batean, eta behin betiko azaroaren 21ean.

Aldatu zen lehenengoz, 2007ko urriaren 25ean egindako Ohiko Osoko Bilkuran hasiera batean, eta behin betiko 2007ko abenduaren 14an.

Aldatu zen bigarrenenez, 2008ko urriaren 17an egindako Ezohiko Osoko Bilkuran hasiera batean, eta behin betiko 2008ko abenduaren 04an.

Aldatu zen hirugarrenez, 2009ko urriaren 16an egindako Ezohiko Osoko Bilkuran hasiera batean, eta behin betiko 2009ko abenduaren 4an.

Aldatu zen laugarrenez, 2010eko uztailaren 29an egindako Ohiko Osoko Bilkuran hasiera batean, eta behin betiko 2010eko urriaren 1ean.

Aldatu zen bosgarrenez, 2011ko urriaren 14an egindako Ezohiko Osoko Bilkuran hasiera batean, eta behin betiko 2011ko azaroaren 29an.

Aldatu zen seigarrenez, 2012ko urriaren 26an egindako ohiko osoko bilkuran hasiera batean, eta behin betiko 2012ko abenduaren 10ean.

Aldatu zen zazpigarrenez, 2013ko urriaren 18an egindako ezohiko osoko bilkuran hasiera batean, eta behin betiko 2013ko abenduaren 13an.

Aldatu zen zortzigarrenez, 2015eko irailaren 14an egindako ezohiko osoko bilkuran hasiera batean, eta behin betiko 2015eko urriaren 30ean.

Aldatu zen bederatzigarrenez, 2017ko maiatzaren 26an egindako osoko bilkuran hasiera batean, eta behin betiko 2017ko uztailaren 28an.

2017ko abuztuaren 24an jarriko da indarrean, eta horrela jarraituko du aldatzea edo indargabetzea erabaki artean





**Amorebieta-Etxanoko Udala**  
**Bizkaia**

KUDEAKETA, DIRU -BILKETA ETA IKUSKARITZAKO ORDENANTZA FISKAL  
OROKORRA

2017